

## ILO-konwenciju 169 ratifikować

**Budyšin** (SN/at). Zwjazkowe knježerstwo so za to wuprāja, ILO-konwenciju 169 ratifikować. To wuchadźa z emailki kanclerskeho zarjada předsydže wustawoweho wuběrka Serbskeho sejma Hajkej Kozelej, kotraž našej redakciji předleži. Serbski sejm je so w naležnosći njedawno tež na zwjazkowu kanclerku Angelu Merkel wobroćil (SN rozprawjachu). „Ludowe skupiny a mjeńšiny su džěl kulturneje a historiskeje identity. Jich zachowanje přinošuje ke kulturnej mnohotnosći a zamóže tež mjezstatnu wuměnu spěchować“, cituje Kozel z lista. „Zwjazkowemu knježerstwu je škit indigeneje ludnosće wosebje wažny.“ Tohodla su strony CDU, CSU a SPD ratifikaciju ILO-konwencije 169 do koalicijskeho zrěčenja zapřijeli. W kapitlu XII, dypk 6 Čłowjeske prawa, přewencija krizam a humanitarna pomoc tam čitamy: „Prócujemy so wo ratifikaciju wudospołnjaceho protokola k socialnemu paktej Zjednočenych narodow kaž tež ILO-konwencije 169 wo škiće indigenych ludow.“ Kanclerski zarjad dale na to skedźbnja, zo zwjazkowe ministerstwo za džělo a socialne zwoprawdženje ratifikacije tuchwilu přihotuje.